

Գ Ր Ա Խ Օ Ս Ո Ւ Թ Ի Ի Ն

ԵՐԻՑԵԱՆ ԱԼԷՔՍԱՆԴՐ.—ԵՆԻԻԹԵՐ ՀԱՅՈՑ ՊԱՏՄՈՒԹԵԱՆ ՀԱՄԱՐ»։
Ա.—Գրիգոր Արծրունու և նորա քսանեհինգ տարւայ գրական գործունէութեան առիթով (1865—1890 թ.). Թիֆլիս, տպարան Տ. Նազարեանցի, 1890 թ., քառածալ, 100 էրես, տառ № 12։
Գինն է 50 կոպէկ։

Ահա մի գրքուկ, որը լիապէս արդարացնում է իւր վերնագիրը, իբր «Նիւթեր հալոց պատմութեան համար», և իրօք արժանի ոչ միայն կարգալու, այլ և ուսումնասիրելու։ Գիրքը բաղկացած է երկու գլխից, որոնցից առաջնում (34 էրես) պատմւում է Գէորգ Արծրունու և ալն բոլորի մասին, ինչ կապ ունի ալդ մարդու անձնաւորութեան և գործունէութեան հետ։ Երկրորդ գլխում պատմւում է Երեմիա Արծրունու, և սորա որդիների և ալն ամենի մասին, ինչ կապ ունի Գրիգոր Արծրունու կեանքի հետ մինչ «Մշակ» լրագրի հիմնելը։ Կենտրոնակէտ ունենալով Գէորգ, Երեմիա և Գրիգոր Արծրունիներին, հեղինակը մեզ տալիս է հմուտ անձից բղիսած տեղեկութիւններ։ 1) Թիֆլիսը դարուս առաջին կիսում, 2) Վանը, 3) հին Արծրունիների տոհմի մասին, 4) Տպարանական գոր-

ծի սկզբնաւորութիւնը Թիֆլիսում, 5) Ներսէս Աշտարակեցին, 6) Ներսիսեան Դպրոցը, 7) Թատրոնական գործը Թիֆլիսում, 8) Պետրոս Սիմօնեանցը, 9) Ռուսահայերի կրթութեան գործը համալսարաններում ներկայ դարում, 10) Աբովեանց, Նազարեանց և ալլք և Դորպատի համալսարանը, 11) Հակական նոր բանաստեղծութեան սկզբնաւորութիւնը, 12) Հակական առաջին պարբերական հրատարակութիւնները, 13) Մօսկւայի ուսանողական ժողովի սկիզբը, 14) Հակական Թատրոնի սկիզբը, 15) Պետերբուրգի համալսարանը 60-ական թւականներում, 16) Եզեանց, 17) «Հիւսիսափայլ» և «Առունկ», 18) «Մեղու» լրագիրը, 19) Գրիգոր Արծրունու աշխատակցութիւնը «Մեղու» և «Հակական Աշխարհ» թերթերում—ահա ալն առարկաները, որ չաջորդաբար

շօշափում է պ. Երիցեանը իւր ալս 100 երես գրքովի մէջ, որը կարդացում է մեծ լափշտակութիւնով: Լեզուն բաւականաչափ կանոնաւոր

չէ նորագոյն աշխարհաբարի տեսակէտից:

Ա. Ա.

ՄԱԼՈՒՄԵԱՆ, Խ.—«ՄՏՔԻ ՄՇԱԿԸ». Գրիգոր Արծրունու գրական գործունէութեան 25-ամեակի առիթով, Թիֆլիս, 1890 թ., տպարան Տ. Նազարեանցի, քառածալ, 96 եր., տառ Խ 12: Գինն է 50 կ.:

Գրքովը պարունակում է հետեւեալ գլուխները. 1) Ներածութիւն, 2) Կենսագրական տեղեկութիւններ, 3) Գրիգոր Արծրունու գրական գործունէութեան սկզբնաւորութիւնը, 4) Հալոց մամուլի անցեալի մասին, 5) «Մշակի» սկզբնաւորութեան հանդամանքները, 6) Նոր մեթօդ և նոր ուղղութիւն, 7) Ընդհանուր հայեացք Գրիգոր Արծրունու գործունէութեան մասին, 8) Մի քանի դժեր Արծրունու կեանքից, 9) Առաջադիմական շարժումներ:

Առաջին գլուխները հազիւ գուրս եկած՝ արդէն հնացան, որովհետև գրեթէ միաժամանակ լուս տեսաւ պ. Ալ. Երիցեանի գրքովը, որի առջև պ. Մալումեանցի տաժ տեղեկութիւնները գրականապէս ոչ մի արժէք չեն կարող ներկայացնել: «Հալոց մամուլի անցեալի մասին» գլուխում բոլորը, ինչ տեղեկութիւններ են, քաղած են Յարութի մի բրօշուրից հալոց մամուլի մասին: Եւ պ. Երիցեանի գրքովը նաև ալդ կողմից զերազանց է: Իսկ ինչ վերաբերում է մասնաւորապէս «Հիւսիսափալ»-ի և «Կոռնկ»-ի ղեհաստութեան, Մա-

լումեանցի գրածը մի շատ թուլ արձագանք է արդէն ցալժմ չալտնած մտքերի:

Մի փոքր աւելի հետաքրքրութիւն ներկայացնում է 5-երորդ գլուխը՝ «Մշակ»-ի սկզբնաւորութեան մասին. բաց ալժմ, երբ ալդ մասին նոյն իսկ գործին մասնակցող անձերը հակասող մտքեր են չալտնել—Մալումեանցի պնդումները ճշգրտեան տեսակէտից կորցնում են իրանց արժէքը:

«Նոր մեթօդ և նոր ուղղութիւն» գլխում Մալումեանցը չալտնում է, թէ մինչև «Մշակ»-ը հալոց մամուլի մէջ տիրում էր քարոզչական մեթօդը, իսկ «Մշակ»-ը մտցրեց բնագիտական մեթօդ մեր հրապարակախօսութեան մէջ: Առաջին ածականը Մալումեանցը վերցրել է Ա. Արասխանեանցի չօղածից Ստեփան Նազարեանի հրապարակախօսութեան մասին, երկրորդ ածականը հեղինակը վերցրել է Արծրունու մի չօղածից՝ իւր սեպհական հրապարակախօսութեան մասին: Բաց որքան գրչի սխալ էր ալդ Արծրունու կողմից, նոյնքան ոչ պատւարեր կրկնութիւն է թւում ալդ